



Na osnovu člana 46. stav 4. Zakona o Budžetima u Federaciji BiH (Službene novine FBiH 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 12. Zakona o finansijskom upravljanju i kontroli u javnom sektoru u Federaciji BiH (Službene novine Federacije BiH br. 38/16), te tačke 20. Smjernica o minimalnim standardima dodjele budžetskih sredstava putem transfera i subvencija u Federaciji BiH ("Službene novine Federacije Bosne i Hercegovine br. 15/18), Općinski načelnik Općine Ilijaš raspisuje:

JAVNI POZIV
za prikupljanje zahtjeva udruženja građana i nevladinih organizacija
radi dodjele sredstava za finansiranje/sufinansiranje
iz Budžeta općine Ilijaš za 2022.g.

A/. Pozivaju se udruženja građana i nevladine organizacije, registrovane u skladu sa važećim propisima, sa sjedištem na području Općine Ilijaš da podnesu zahtjeve za projekte koji će se finansirati/sufinansirati iz sredstava Budžeta općine Ilijaš za 2022. godinu, a u skladu sa sljedećim uvjetima :

a) **Udruženja građana i nevladine organizacije koja okupljaju boračku populaciju**

1. *Za odobrene sadržaje projekata koji se odnose na aktivnosti obilježavanja značajnih datuma, događaja i ličnosti iz perioda odbrambeno-oslobodilačkog rata 1992-95 godina i NOR-a 1941-1945 godina, datumima obilježavanja po programima udruženja iz perioda odbrambeno-oslobodilačkog rata 1992-1995 godine i perioda iz NOR-a 1941-1945 godine*

- planirani nivo sredstava za raspodjelu 40.000 KM ;
- najniži nivo sredstava koji može biti odobren po apliciranom projektu/programu 500,00 KM ;
- maksimalan iznos sredstava koji može biti odobren po apliciranom projektu/programu 8.000,00 KM.

2. *Za stručnu i pravnu pomoć članstvu u ostvarivanju njihovih statusnih pitanja (administrativno tehničko lice, troškovi prostora, režijski troškovi, kancelarijski materijal i dr.)*

- planirani nivo sredstava za raspodjelu 60.000 KM ;
- najniži nivo sredstava koji može biti odobren po apliciranom projektu/programu 500,00 KM ;
- maksimalan iznos sredstava koji može biti odobren po apliciranom projektu/programu 10.000,00 KM.

b) **Udruženja građana i nevladine organizacije iz oblasti kulture**

1. *Unaprjeđenje kulturnih aktivnosti i oplemenjivanje kulturnog ambijenta na lokalnom nivou*

2. *Afirmacija i očuvanje tradicije i promocija kulturne baštine naroda Bosne i Hercegovine*
3. *Afirmacija muzičkih, likovnih, književnih i dramskih sadržaja i sl., posebno inovativni programi za mlade.*
4. *Projekti koji doprinose afirmaciji i očuvanju kulturno – historijskog naslijeđa*
 - planirani nivo sredstava za raspodjelu 35.000 KM ;
 - najniži nivo sredstava koji može biti odobren po apliciranom projektu/programu 1.000,00 KM ;
 - maksimalan iznos sredstava koji može biti odobren po apliciranom projektu/programu 10.000,00 KM.

c) **Sport**

1. *Stvaranje materijalnih, prostornih, stručnih i organizacionih uslova za razvoj takmičarskog sporta*
2. *Organizovanje sporta za sve, posebno u funkciji zdravlja građana, afirmacije društvenih vrijednosti i prevencije devijantnog ponašanja mladih*
3. *Organizovanje takmičenja školske djece, za dječake i djevojčice sa težnjom na masovnosti*
4. *Projekti koji doprinose jačanju i razvoju sporta i fizičke kulture i organizovanju sportskih takmičenja za koje je iskazan interes općine*
5. *Sport i rekreacija invalida*
 - planirani nivo sredstava za raspodjelu 176.000 KM ;
 - najniži nivo sredstava koji može biti odobren po apliciranom projektu/programu 1.000,00 KM ;
 - maksimalan iznos sredstava koji može biti odobren po apliciranom projektu/programu 40.000,00 KM.

d) **Ostali projekti**

1. *Omladinski aktivizam, volonterski rad, zaštita životne sredine, kultura življenja, projekti za očuvanje, čišćenje i zaštitu prirode (Projektne prijedlozi koji se odnose na omladinski aktivizam moraju biti u skladu sa akcionim planom Strategije prema mladim Općine Ilijaš 2018-2022.g.)*
 - planirani nivo sredstava za raspodjelu 10.000 KM ;
 - najniži nivo sredstava koji može biti odobren po apliciranom projektu/programu 500,00 KM ;
 - maksimalan iznos sredstava koji može biti odobren po apliciranom projektu/programu 3.500,00 KM.

B/. Prijava na javni poziv treba da sadrži:

- o Popunjen aplikacioni obrazac (obrazac preuzeti na općinskom Info pultu)
- o rješenje o registraciji (ovjerena kopija)
- o uvjerenje o poreskoj registraciji-identifikacijski broj (ovjerena kopija)
- o uvjerenje o izmirenim poreskim obavezama (Poreska uprava)
- o Kopija ugovora s bankom o otvaranju transakcijskog računa i broj računa
- o broj članova (dokaz-revidirani spisak članova ne stariji od godinu dana, a za sportska udruženja potvrda matičnog saveza kod kojeg je klub

registrovan za takmičenje o broju registrovanih takmičara (ovjerena kopija)

- kopija Statuta za udruženja koja prvi put apliciraju za sredstva iz Budžeta Općine Ilijaš i za udruženja koja su u prethodnoj godini imala izmjene Statuta
- Plan rada i Budžet projekta/programa za 2022.godinu (usvojen od Upravnog odbora)
- izvještaj o radu i finansijski izvještaj za 2021.godinu (usvojen od Upravnog odbora)
- potvrda resorne službe o urednom dostavljanju izvještaja o utrošku odobrenih sredstava iz Budžeta općine Ilijaš za 2021.g. (Služba dostavlja Komisiji za selekciju i ocjenu). *Napomena: Izvještaji o utrošku sredstava doznačenih u 2021.godini trebaju se dostaviti resornim službama zaključno sa 31.01.2022.godine*
- dokaz da je stručni rad u sportskoj organizaciji usklađen sa zakonskim odredbama, u skladu sa članom 18. i 33. Zakona o sportu-prečišćeni tekst ("Službene novine Kantona Sarajevo" broj: 45/12) (dokaz: diploma i trenerska licenca)
- ime osobe odgovorne za realizaciju projekta (dokaz-odluka ili rješenje)
- dokaz da se omladinsko udruženje nalazi na općinskom popisu omladinskih udruženja ;
- Ovjerena izjava – sukob interesa (obrazac preuzeti na općinskom Info pultu).

C/. Zahtjevi po javnom pozivom sa prijedlogom projekata i pratećom dokumentacijom (u zatvorenoj koverti za naznakom oblasti projekta) mogu se podnijeti putem protokola Općine Ilijaš ili putem pošte preporučeno, u roku od 15 dana od dana objavljivanja javnog poziva.

Konkurs će biti objavljen u Dnevним novinama "Oslobođenje", na web stranici Općine Ilijaš i oglasnoj ploči Općine Ilijaš.

Neblagovremene i nepotpune aplikacije neće se uzeti u razmatranje.

D/. Projekti neće biti finansirani, ako :

- nisu resornoj Službi dostavili izvještaj o utrošku sredstava iz Budžeta Općine Ilijaš za 2021.g. ;
- imaju za cilj Sponzorisanje za sudjelovanje u radionicama, seminarima, konferencijama ;
- obavljanje kurseva i treninga ;
- obuhvataju rekonstrukciju i izgradnju objekata ;
- podržavaju na bilo koji način djelovanje političkih subjekata ;
- podrazumjevaju upošljavanje lica.

E. /Sukob interesa

- Članovi komisije za ocjenu i selekciju prijava prije početka rada potpisuju izjavu o nepristrasnosti i povjerljivosti, te o nepostojanju sukoba interesa. Svaki član Komisije će biti isključen iz postupka dodjele ukoliko se utvrdi da

je u sukobu interesa u odnosu na podnosioca prijave, a podnosioci prijave imaju pravo prijaviti sumnju na postojanje sukoba interesa o kojim će davalac budžetskih sredstava odlučivati pojedinačno po svakoj prijavi.

- Podnosioci prijave se obavezuju da uz prijavu na javni poziv dostave ovjerenu izjavu u kojoj će navesti da se odgovorno lice za zastupanje i predstavljanje Udruženja i interesno povezana lica ne nalaze u sukobu interesa u smislu odredbi Zakona o sukobu interesa u institucijama vlasti Federacije Bosne i Hercegovine ("Službene novine Federacije Bosne i Hercegovine", br. 70/2008).

F/ Kriteriji za ocjenu

U skladu sa Odlukom o izvršavanju budžeta Općine Ilijaš za 2021. godinu odabir projekata i programa za finansiranje će izvršiti Komisije za selekciju i odabir projekata i programa imenovane od strane Općinskog načelnika, a u skladu sa sljedećim dokumentima :

- a) Pravilnik o kriterijima, načinu i postupku raspodjele sredstava iz tekućeg granta „Transferi udruženjima građana – ratna udruženja“ koji se finansiraju sredstvima Budžeta općine Ilijaš
- b) Pravilnik o kriterijima, načinu i postupku raspodjele sredstava iz tekućeg granta za programe iz oblasti kulture koji se finansiraju i sufinansiraju sredstvima Budžeta općine Ilijaš broj: 07-40-730/13 od 11.04.2013 godine
- c) Pravilnik o kriterijima za finansiranje javnog interesa Općine Ilijaš u oblasti sporta broj: 01/2-07-40-2534/12 od 17.12.2012.godine
- d) Odluka o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima Budžeta općine Ilijaš broj: 01/1-02-955-5/11 od 22.02.2011. godine

Sa odabranim aplikantima(korisnicima sredstava) sklopit će se ugovor o odobravanju sredstava za finansiranje programa ili projekata u roku od 15. dana od dana donošenja odluke o dodjeli budžetskih sredstava. Sastavni dio Ugovora je odobreni budžet projekta/programa.

Ukoliko nivo odobrenih sredstava traženih putem aplikacije je veći od iznosa iz aplikacije aplikanta, od aplikanta (korisnika sredstava) zatražit će se da naknadno dostavi korigovani budžet projekta/programa u skladu sa odobrenim nivoom sredstava, a prije potpisa ugovora.

O rezultatima po podnesenim aplikacijama učesnici će biti obaviješteni u skladu sa odredbama Smjernica o minimalnim standardima dodjele budžetskih sredstava putem transfera i subvencija u Federaciji BiH ("Službene novine Federacije Bosne i Hercegovine br. 15/18).

Kontakt : Služba za društvene djelatnosti i poslove mjesnih zajednica
– 033 580 690
Služba za opću upravu, boračko-invalidsku i socijalnu zaštitu
– 033 580 640

Broj : 04 / 3 – 11 – 126 / 22
Ilijaš, 27.01.2022.godine



OPĆINSKI NAČELNIK

Akif Fazlić, dipl.ecc.

